

## **BATZORDEAK ETA HAUEN ESKUMENAK**

### **ANTOLAKUNTZA:**

1. Giza baliabideak: Hautaketa, lan erlazioak, ordainketak eta formazioa.
2. Zeharkako arloen sustapena administrazioan (Euskara, Berdintasuna, Ingurumena...).
3. Zerbitzu-jarduerak antolatzea eta kudeatzea.
4. Herritarren partaidetza, gardentasuna, gobernu ona bultzatzeko eta teknologia berriak eskueran izateko azpiegiturak antolatzea eta kudeatzea. Administrazio elektronikoa, arrazionalizazioa eta prozedurak erraztea. Batez ere, herritarrek informazioaren teknologiak eta komunikazioak modu efiziente eta jasangarrian erabil ditzaten bultzatuko dute, beren udal-mugartean.
5. Herritarren arreta zerbitzu integralaren antolakuntza eta funtzionamendua.
6. Kontabilitate publikoa, kontrola eta kontu-ematea.
7. Aurrekontuen eta kudeaketa ekonomiko-finantzieroen kontrola eta barne fiskalizazioa. Baita kontabilitatea eta diruzaintza.
8. Estatistika ekonomiko finantzieroa
9. Derrigorrezko Lege aholkularitza.
10. Zerga-bilketa eta kudeaketa
11. Tokiko ekonomia (Merkataritza)- eta gizarte-garapena, eta tokiko enplegu-planak edo -politikak.
12. Tokiko turismoa sustatzea eta kudeatzea.

### **HERRITARRAK:**

1. Osasun publikoa sustatzea, kudeatzea, defendatzea eta babestea.
2. Gizarte-zerbitzuak antolatzea, planifikatzea eta kudeatzea.
3. Diru-sarreraren bermea eta gizarteratzea antolatzea, programatzea eta kudeatzea.
4. Kirola eta kirol-jarduerak antolatzea eta sustatzea, eta erabilera publikoko kirol- ekipamenduak kudeatzea.
5. Kultura eta kultura-jarduerak antolatzea eta sustatzea, eta erabilera publikoko kultura- ekipamenduak kudeatzea.
6. Genero-berdintasunaren eta ekitatea sustatzearen arloko politikak antolatzea eta kudeatzea.
7. Gazteria-politikak planifikatzea, antolatzea eta kudeatzea.

8. Euskararen erabilera sustatzeko udal-planak idatzi, onartu eta kudeatzea, lege honen 7. artikuluan xedatutakoa gorabehera.
9. Immigrazio alorrean gizareratze-politikak kudeatzea, atzerriartasunaren inguruko legeriarekin bat etorrira eta erakunde autonomikoekin lankidetzan.
10. Garapenerako lankidetzak alorreko politikak planifikatzea, antolatzea eta kudeatzea.
11. Irakaskuntzaren programazioa egiten eta derrigorrezko eskolatze-aldia betetzeko zaintzan parte hartzea, bai eta haur-hezkuntzako, lehen hezkuntzako eta hezkuntza bereziko ikastetxe publikoen eraikinak kontserbatzea, mantentzea eta zaintzea ere. Era berean, hezkuntza-administrazioari laguntzea, ikastetxe publiko berriak egiteko behar dituen orubeak aurkitzen.

## **LURRALDEA:**

1. Hirigintzaren antolamendua, kudeaketa, exekuzioa eta diziplina.
2. Etxebizitzen plangintza, programazioa eta kudeaketa, eta babes publikoko etxebizitzetan parte hartzea.
3. Udalerriarenak diren herri barruko bide publikoak eta baserri-bideak antolatzea eta kudeatzea (kontserbatzea eta mantentzea barne).
4. Bidaiarien hiri barruko garraio publikoa –garraio bidea edozein dela– antolatzea, planifikatzea, programatzea, kudeatzea eta sustatzea, eta horien inguruko diziplina ezartzea, betiere garraioa udalerriaren barruan egiten bada osorik.
5. Udalerriko bideetan, pertsona, ibilgailu –motordun zein bestelako– eta animalien mugikortasuna eta irisgarritasuna nahiz pertsona eta salgaien garraioa antolatzea, kudeatzea, sustatzea eta diziplina-modua zehaztea; horretarako, beharrezko irizitako baliabide materialak, teknikoak eta giza baliabideak jarri ahal izango dituzte.
6. Establezimendu publikoak eta jolas-jarduerak antolatzea eta kudeatzea.
7. Barne-merkataritza antolatzea eta kudeatzea. Zehatzago esanda, merkatu, hornidura-merkatu, azoka, lonja, hiltegi eta kalez kaleko merkataritza antolatzea eta kudeatzea. Hor sartzen dira, era berean, txikizkako merkataritza eta merkataritzako ekipamendu handiak planifikatzea eta antolatzea, hirigintza-antolamenduko irizpideei eta lurzorua erabilerari erantzunez, bai eta ibilgailuak eta bestelako salgaiak espazio publikoetan salerostean erregulatzea, ikuskatzea eta arlo horretako zehapen-ahalmena.
8. Udal-ondare historikoa babestea eta kontserbatzea, eta babes-plan bereziak eta katalogoak egitea eta onartzea.
9. Udal-ondarea kudeatzea eta ondare horren erabilera, zertarako, kontserbazioa eta mantentze-lana arautzea, betiere foru-araudiarekin bat.

10. Ingurumenaren babesa eta garapen jasagarria modu osagarrian antolatzea, sustatzea, kudeatzea eta defendatzea, hiriguneetan kutsadura akustikoa, argiaren kutsadura eta airearen kutsaduraren aurkako babesa barne hartuta.
11. Zerbitzuak antolatzea, kudeatzea, ematea eta kontrolatzea hiri-erabileradun uraren ziklo integralean. Honako hauek daude barne hartuta: uraren goi-hornidura; uraren behe- hornidura; saneamendua edo biztanleguneetako hondakin-uren eta euri-uren bilketa, eta hiriko hondakin-uren arazketa.
12. Argiteria publikoa, bide-garbiketa, biztanleguneetako sarbideak eta kale-zoladura antolatzea eta kudeatzea, eta zerbitzu horiek ematea.
13. Udal-hondakinak edo hiri-hondakin solidoak bildu eta tratatzeko zerbitzuak antolatzea, kudeatzea, ematea eta kontrolatzea, eta hondakin gutxiago sortzeko plangintza, programazioa eta diziplina ezartzea.
14. Hilerrien eta hileta-zerbitzuen antolamendua, plangintza eta kudeaketa, baita osasun arloko kontrola ere.
15. Landa ingurua eta mendietan egiten diren jarduerak eta erabilerak antolatzea, kudeatzea eta zaintzea, arlo horretan lurralde historikoek dituzten eskumenak eragotzi gabe. Sarbideak antolatzea eta haien garbiketa-zerbitzua ematea.
16. Udaltzaingoa, segurtasuna, babes zibila, larrialdiak eta suteen prebentzioa kudeatzea.
17. Bizikidetzaren harremanen kudeaketa.
18. Espazio publikoetan eta konkurrentzia publikoko leku eta establezimenduetan antolatutako ekintzetako segurtasuna antolatzea eta kudeatzea.
19. Konpainiako animalien eta arriskutsuak izan daitezkeen animalien arloa antolatzea eta kudeatzea.